

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	A do të mbyllet konstituimi i Kuvendit të Kosovës më 9 shtator?
ADRESA	https://www.cna.al/kosova-bota/a-do-te-mbyllet-konstituimi-i-kuvendit-te-kosoves-me-9-shtator-1473617
BURIMI	cna.al
GJENDJA	online

KOHA


KAPUR NGA NE	13 shtator 2026, 19:24:23 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	8 shtator 2026, 19:02:50 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	f4499579cb2ced7e15d4dec257cbea782b4d6d7c1a6409bb7dd133e5450ff9ac
TEKSTI	c888f207bdc0a99e3ed9c56a4bb8af8a60e4102ea968abbbf83d74dd3bfa56e8
PAMJA	730199e86b6ce9324b3ee072780499ea54583444360161505584149902a80a9c

ZINXHIRI I PROVËS

KJO HYRJE	802aec12cb9d34c19121cecb7f63c495128450c5183ea9f8f60cf36ac2f67279
E MËPARSHMJA	—
RRËNJA MERKLE	965b786ec23a8b4bb286f1d277ec370fc2da1c7624603044806722a90083ae20
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/802aec12cb9d34c19121cecb7f63c495128450c5183ea9f8f60cf36ac2f67279>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



- [AKTUALITET](#)
- [POLITIKË](#)
- [KRONIKA](#)
- [EKONOMI](#)
- [SOCIALE](#)
- [DENONCIM](#)
- [STIL](#)
- [SPORT](#)
- [TECH](#)
- [KULTURE](#)
- [BLOG](#)
- [LIVESTREAM](#)



English
English

E fundit!

x

21:06 Aktualitet

Plarent Ndreca ka zbuluar se ekziston një pushtet tjetër p...

A do të mbyllet konstituimi i Kuvendit të Kosovës më 9 shtator?



8 Shtator 2026, 21:02, Kosova & Bota CNA



Është bërë një muaj qëkurse seanca konstituive e Kuvendit u ndërpre më 8 gusht, pasi kreu i Lëvizjes Vetëvendosje (LVV), Albin Kurti, njëherësh kryeministër në detyrë, nuk e propozoi një kandidat për kryetar por kërkoi kohë shtesë deri në arritjen e një marrëveshjeje politike për presidentin.

Kërkesë kjo që i ishte pranuar edhe në nisje të seancës konstituive më 6 gusht.

Kurti atëherë kishte deklaruar se "konstituimi kësaj radhe nuk bën të jetë drejt një shpërndarjeje të Kuvendit dhe përsëri zgjedhjeve të parakohshme, të paarsyeshme e të panevojshme".

Një vazhdim i radhës i seancës konstituive është caktuar për të mërkurën më 9 shtator, nga kryesuesi Avni Dehari.

Marrëveshja politike për presidentin, e cila ishte parakusht për Kurtin që të vazhdohej me seancën konstituive, u arrit më 31 gusht midis LVV-së dhe Lidhjes Demokratike të Kosovës.

(LDK).

Megjithëse votat për Bekim Sejdiun, kandidatin për të cilin u pajtuan të dy partitë, nuk janë tashmë të sigurta, mbetet e paqartë nëse veç dakordimi për emrin e tij do të mjaftojë që deputetët ta mbyllin të mërkurën konstituimin apo do të kërkohet sërish kohë shtesë.

"Nesër e kanë thirrur seancën e Kuvendit, do të jemi aty", ishte përgjigja e Kurtit të martën kur u pyet nga gazetarët se a do të propozojnë kandidatin për kryetar të Kuvendit.

Megjithëse e konsideruan jashtë afitit kushtetues, dy partitë opozitare Partia Demokratike e Kosovës (PDK) dhe LDK-ja kanë deklaruar se do të marrin pjesë në seancën e 9 shtatorit.

Kryetari i PDK-së, Bedri Hamza, deklaroi të hënën se Kosova duhet të ketë Kuvend të konstituuar, ndërsa tregoi se deputetja, Vlora Çitaku, do të jetë kandidatë për nënkryetare të dytë të Kuvendit.

"Ne nuk kemi përgjegjësi pse deri tash nuk është konstituuar Kuvendi. Ne çdo 48 orë kemi qenë në Kuvend", tha Hamza.

Pjesëmarrjen e LDK-së në seancë e konfirmoi para mediave të hënën deputetja e kësaj partie Jehona Lushaku.

"Vendosëm si grup që të marrim pjesë në seancën konstituive të Kuvendit të Kosovës dhe t'i kontribuojmë konstituimit të Kuvendit, meqë Kosova është në një fazë të rëndësishme për themelimin e institucioneve dhe funksionalitetin e saj", tha ajo.

Kryetari i Aleancës, Ardian Gjini, tha se partia ka vendosur që deputetët e saj të mos marrin pjesë në këtë seancë.

"Aleanca ka qenë e gatshme me marrë pjesë në seancë sikur ajo të thirrej deri të shtunën, kur edhe ka skaduar tridhjetë ditëshi i dytë. Kur e kemi kuptuar që nuk është thirrur as të shtunën, ne mendojmë që duhet t'i japim mesazh, duhet të tregojmë që nuk pranojmë të fyhet kështu Kuvendi", tha Gjini.

Sipas një aktgjykimi të vitit të kaluar të Gjykatës Kushtetuese, Kuvendi duhet të konstituohet brenda 30 ditësh nga certifikimi i rezultateve.

Ky afat përfundoi më 7 gusht 2026.

Në një përplasje midis deputetëve të opozitës dhe atyre të Lëvizjes Vetëvendosje më 12 gusht kur Kuvendi priste vizitorë nga diaspora, ministrja në detyrë e Drejtësisë, Donika Gërvalla, kishte argumentuar se kishin kohë 30 ditë për ta konstituuar Kuvendin nga dita kur ishte thirrur seanca konstituive më 6 gusht.

"Është 6 shtator", kishte deklaruar Gërvalla sa i përket ditës së fundit të këtij afati, i cili tashmë është tejkaluar.

Instituti i Kosovës për Drejtësi (IKD) vlerëson se konstituimi i Kuvendit është një obligim kushtetues që nuk duhet të anashkalohet, pavarësisht shklejes së afateve kushtetuese.

"Konstatimi i kësaj shkeljeje nuk nënkupton se shkelja duhet të vazhdojë. Përkundrazi. Fakti se Kuvendi nuk është konstituuar brenda afatit kushtetues nuk mund të shërbejë si argument që Kuvendi të mos konstituohet as pas kalimit të këtij afati", thuhet në reagimin e IKD-së.

Sipas tyre përfundimi i afatit nuk mund të nënkuptojë përfundimin e detyrimit për t'i bërë institucionet funksionale.

"Shkelja që ka ndodhur duhet të konstatohet dhe të mos relativizohet, por ajo nuk mund të përdoret për të prodhuar një bllokadë të re dhe potencialisht të pakufishme".

Kuvendi konsiderohet i konstituuar me zgjedhjen e kryetarit dhe të pesë nënkryetarëve.

Pas kësaj i hapet rrugë mbajtjes së seancave për zgjedhjen e qeverisë së re dhe presidentit të ri të Kosovës.

Për formimin e Qeverisë së re nga LVV kanë deklaruar se nuk u mungojnë 61 votat e nevojshme, por për çështjen e presidentit votat ende nuk janë të sigurta.

Gjashtë nga 18 deputetët e LDK-së kundërshtuan marrëveshjen që partia e tyre e arriti në fundin e gushtit me LVV-në, që Bekim Sejdiu të kandidohet për president.

Sipas rregullit kushtetues, në dy rundet e para presidenti zgjidhet me 2/3 e votave të të gjithë deputetëve, pra 80 vota nga 120 deputetë.

Nëse nuk arrihet kjo shumicë, kalohet në rundin e tretë, ku presidenti zgjidhet me një shumicë të thjeshtë prej 61 votash, por nevojitet prania e të paktën 80 deputetëve në sallë që ky votim të jetë i vlefshëm.


Partia fituese e zgjedhjeve, LVV-ja, ka 53 deputetë, dhe llogarit edhe në votën e 10 deputetëve nga komunitetet pakicë.

Kurse, partia e tretë, LDK-ja, ka 18 deputetë, gjashtë prej të cilëve janë deklaruar kundër kandidaturës së Sejdiut.

Kjo nënkupton se marrëveshja për presidentin tani për tani gëzon mbështetjen e 74 deputetëve.

Ndërkaq, PDK-ja e cila ka 22 deputetë, nuk ka ofruar mbështetje për këtë kandidat, ashtu sikurse Aleanca, e cila ka kushtëzuar votën tetë deputetëve të saj.

Mirëpo kreu i LVV-së tha më 8 shtator se do të vazhdojnë edhe më tutje takimet dhe bisedimet për ta zgjedhur presidentin e ri të vendit, për të parandaluar shkuarjen në zgjedhje./rel





Të sugjeruara

[Britania e Madhe njofton sanksione mbi vendbanimet në Bregun Perëndimor](#)

[Komisioni Evropian paralajmëron rishikimin e negociatave me Serbinë, pas glorifikimit të Mlladiçit](#)

[Bosnja dëbon dy diplomatë serbë për shkak të lartësimit të Mlladiçit](#)

[Kanadaja përgatitet për një luftë të zgjatur tregtare, ndërsa hyjnë në fuqi kundër-tarifat ndaj SHBA-së](#)

[Senatori amerikan plas "bombën": Ndaloni zhvillimin e Inteligjencës Artificiale për të shmangur një katastrofë](#)

Varrimi i Ratko Mlladiç/ Kurti: Serbia kaloi nga mohimi në adhurimin shtetëror të gjenocidit

Dënohet me një vit burg me kusht ministri në Kosovë

Rusia i jep fund armëpushimit/ Një seri shpërthimesh trondit Kievin

Përshkallëzohet lufta tregtare SHBA-Kanada/ Trump kërcënon të bllokojë avionët Bombardier nga tregu amerikan

Rusia mbyll Konsullatën Gjermane në Shën Petersburg

Trump në telefonatë me kryeministrin britanik Burhnam, fokus te lufta Ukrainë-Rusi

Kina me skenarë të rinj për luftrat/ Betejë me humanoidë, qen robotë dhe mjete pa pilot

Vrau motrën dhe plagosi nënën/ Vihet në pranga 1 person

Nxehtësia ekstreme dëmton vreshtat në Francë/ Përgjysmohet prodhimi i shampanjës

Rusia dhe Koreja e Veriut hapin urën e parë rrugore përgjatë kufirit të tyre të përbashkët

Mbreti e bën të qartë/ Harry dhe Meghan mbeten anëtarë joaktivë të familjes mbretërore

Kryeministri i Serbisë kërkesë presidentit të shpërndajë Parlamentin

Pas varrimit të Mlladiçit me nderime shtetërore/ Sarajeva tërheq stafin e ambasadës në Serbi

Tragjedi nga rënia e ortekut në Rusi/ 11 alpinistë humbin jetën, 6 të tjerë të plagosur


Sulmet izraelite vrasin 12 persona në një fshat në jug të Libanit

[editorial](#)

17:34 Editorial

Pse Gjykata e Lartë nuk duhet ta lirojë nga burgu Erion Veliajn?

CNA LIVESTREAM



Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.